

Il mio viaggio all' inferno

(Continuazione)

De mi viaz ca ho fat tl' inferne
can si scapa più in eterne
di lazzù ca ho avù fortuna
da scapè, che sol che una
del person i ne vnu fora
bso' ea digga dl' elt ancora.

A vo deitt tla prima storia
a ne so sa tni in memoria,
cle fat l' inferne a garagoul
una spec d' un pidrioul
quest al dig per la fattura
sa vli savè pu la misura
quant l' è lergh e cle profund,
e confeina in mez e mond
in te centre sotta tera
do chie un bus cle fat a sfera
che sina i le bsogna calè
e dopp per dla bsogna montè;
cuvv an degh una busea,
le quattre milla e trezent mea
lergh, dalla bocca andand in zu
in media l' è qualcosa d' più.

Un che voia andè in te fond
bso' che zira sempre in tond
per un stradoun fat a lumega,
sta gran streda pu la lega
tutt al bolg do chiè i torment
dalla bocca i fundament.

Appena entre com av diss
te prim giron d' ste grand abiss
a trovam cla raza trista
d' viliacaz e d' egoista
chià rubè chià fat i sgnour
chià pensè sol che per lour.

Iera nud a te sabbioun
bollent, sal vespri e si moscoun
mal costicc chii divoreva
chi ruggeva e chi sclameva.

At che tugurie me passand
se mi compagn a ragionand
am pareva d' santi a di...
Villa... Villa! sta a santi.
Allor ai diss, ma la mi guida
am per un i là che strida
e mi nom clava ciamè
che sia cosa i la d' andè?

Am rispos, va pure amico
però senti ciò che dico
loro son di trista pasta
una parola sola basta!

Diffat a cal t' un calancour
tra chi spein tra che sabbioun
a vech un i là stugled
cl' era tutt insanguined
di gran mors cl' aveva avù,
allora me ai dmandai di su
di genitur cl' aveva alved
de paes do cl' era ned.

Am rispos, la mi famea
le sempre sted una ginea
chi na de nient a ma nissoun,
me a so ste pu tent birboun
che mi puvreitt e pu più volt
invec da deine ai no enca tolt.
A so ned te Marcadein
a to cnosciù magara bein,
a to sintid i là sla piazza
a pridghè sna scaranza
contra i sgnour chiè egoista,
i birbaccioun, la zenta trista;
t' avessie allora ded a ment
ca ni sarea at sti torment!
Ai rispos ma ancora ades
quei cm' ascolta i què dapres
i dis cle folli cai raccont!
i vidrà alla fin di cont
anche lor com i va a fni!
ai diss bon dè ca ho da parti
ca m' aspeta e mi compagn,
es buttò in tera e cmanzò a piagn.

A tornai sora la streda
Renato am died una grideda
perchè aveva tardè trop,
ma dopp e venn un diavle zop
a montasme su tutt dou
che t' un balein es portò zu
tun sotteren sotta un vultoun
meda e prim te sgond giroun.
Iera 'na masa d' notle nir
chi feva d' iurle e di sospir
i barbottleva t' un panten
s' vedeva sol la testa e al men;

iera na lecca nera, schiva,
e una puzza icsè cattiva
che appena arriv a fui costrett
a ciud e nes se fazzolett;
a dmandai a ma Rened
chi è i là dentra condannèd?

Am rispos: i clericali;
son tuffati qui quei tali
che falsarono il Vangelo
e mai più vedranno il cielo!

Ai diss, avrea pu passion
da discorr con qualchedoun
per raccontel i la te mond
ma sa vagh i là a m' affond?!

Va! am diss, senza paura
che una simile lordura
che castiga i clericali
non t'imbratterà i stivali.

Allora me a vag olta french
e fu l'istess d' camné sun bench,
non sol al scherpi an li sporcai
ma nienca e fond a ne bagnai.

A te mentre ca passava
a sent un che barbotteva
sotta e fangh com un inguilla
e voleva ciamè Villa...

Allora a diss chi ma ciamè?
am rispos, l'è don André
l' arzipret d' san Martein
che per amor a mi quattrein
ca ho sempre avù passioun
da comprè qualca pussioun
cal iò pu las mi mi parent
a so te fangh com un serpent!

— Lat sta bein brutta carogna
quand la roba lan bisogna
chit passava la tu spesa
tev d' attend ma la tu Cesa.
Cosa andevte a fe d' iacquist!...
st' aviss fatt com geva Crist
ta n' avress finì i chsi mel
strofte e cul se capitel!

Quest am da una gran guardeda
e me a badai per la mi streda,
ma però prima d' parti
un enta cosa am so fat dí;
sicom ch' iera i li d' un chent
un postarein cl' era vachent,
ai diss, gim un po Don André
i lè at che post chi ha d' ande?

Le destined per un Rimnès
am diss, pun pret de tu paes,

e fa e gross a sa che fioch
e si quattrein, ma i conta poch,
sla su gran prosopopia
e cià da vni a fe compagnia!

Dopp deitt quest al salutai
da Renato me a tornai
cam tullì su se su gruppoun
e am portò te terz giroun.

Tla prima bolgia te prim quedre
a trovamm ma tutt i ledre,
ma miga i ledre da gallein!
i ledre gross quei da quattrein!
chià savù agabè la zenta
senza tema d' andè drenta!
russ o ner chi fuss, o melva,
chià rubè sempre a men selva.

Iera tutt t' una foresta
che di pid sina alla testa
iera pein d' animalaz
vespre, besci e raganaz.

A sent un dul a t' una fosa
a vegh un om s' na faza grosa
con du occ fora dla testa
e un serpent ei feva la festa
com fa al besc sa ioservè
quand me rosp lil vo ingolè:
diffat 'na gamba se zampett
e l'eva za te cavzalett,
ei rimaneva d' mandè zu
corp e testa, allora stu
am ved ma me, am diss Villoun...
t' ved con tutt al mi pussioun
ca ho compre a S. Martein,
a Spadarol, si mi quattrein
com am tocca andè finì?
st' artorne a Remin t' vegga i mi
diile pu liberament
ca so tla bocca d' un serpent!
chi pensa bein si svo salvè
ma cla zenta da aiutè
chiè ste assorbid e sangv da noun!
Che serpent ei da un scricoun
e sl' ingola adirittura!
allora me dalla paura
a cascò in tera tramortid
e per cla sera e fu compid
e mi zir, ma tni in memoria,
cal dirò t' un enta storia
de mi viaz e rimanent
e a vidri ca sri content.

G. VILLA

(continua)